

Beauté de l'islam

Nou bizin guette beauté de l'islam dans so globalité et so l'ensemble. Si nou guette so banne la loi séparément, nou pas pou trouve li. Au contraire ça pou induire nou dans l'erreur ki pou faire nou mal juge l'islam.

Si nou oulé guette ene visage so beauté, nou bizin guette li dans so l'ensemble. Si nou tire lizié ene coté ou bien nez-nez ene coté pou admire li, jamais nou pou capave admire ça. Nou bizin guette ça lizié-là ou bien ça nez-nez là dans so "set-up" pou capave trouve so vrai beauté. Coumsa même si nou casse casse l'islam, nou pas pou capave admire li. Nou bizin guette li dans so l'ensemble. Donc li ene erreur capital mette en question certaine issue dans l'islam sans analyse li dans so l'ensemble et dans so globalité. Par exemple ena capave trouve coupe la main voleur ou lapidation ene personne marié ki fine commette adultère couma ene sanction très sévère. Mais quand nou guette li dans so l'ensemble, nou pou trouve li ajusté bien et tout à fait correct.

Erreur de banne prédicateurs

Très souvent banne prédicateurs ki pas convaincu de beauté de l'islam, faire erreur capital dans essaye pou cachiette certaines issues de l'islam. Parfois ça amene zotte pou refuse accepté l'existence même de ene tel issue dans l'islam couma parfois zotte essaye pou donne banne justifications banales. Faudré pas banne prédicateurs senti zotte complexé parceki ça li ene kitchose ki Allah Ta'ala fine révélé. Ceki Allah Ta'ala, le Créateur Suprême fine révélé, li bizin bon à 100 pou 100. Quant à banne 'Oulama ki fine apprane Deen avec banne Ustaaad (professeurs) ki Mouttaqui et Deendaar, zotte pas gagne ça problème-là. C'est necque islamologie de banne islamologues ki pas fine gagne l'occasion apprane Deen par reste dans compagnie banne Ustaaad Deendaar, ki faire face à ça problème de complexe-là devant zotte homologue kaafir. Dans zotte complexe, très souvent zotte arrivé cachiette le vrai visage de l'islam ki peut-être dans certaine circonstance, ti capave vine ene moyen pou donne lezot hidayat (guidance).

Banne musulmans zotte bizin satisfait avec ça mode de vie ki l'islam fine présenté-là. Et zotte bizin ena Yaqeen (conviction) ferme ki li correcte à 100 pou 100 et la réussite totale li trouve uniquement là-dans même. Nou pas pou capave convaincre lezot tanque ki nou même, nou pas convaincu. C'est par nou conviction ki lezot aussi pou convaincu. (Extrait de Al-Jamiat Vol 2 No. 9)

Attention !!!

Etant donné ki dimoune pe gagne confusion, alors le JUM pe faire ressortir ki ziska l'heure JUM **penkore certifié** aukene grand firmes (abattoirs) couma Chantecler, Chantefrais, Innodis, Point frais, Produgal, Label 60 etc.

Comme grand firme c'est necque Poulet Arc en ciel ki ena certificat de JUM.

	<p>Organe de JAMIAT-UL-ULAMA de MAURICE</p> <p>Cnr. Penang & Sumatra Street, Port Louis, Mauritius, Tel: 240-0439</p> <p>http://www.jamiat-ul-ulama.org , Email: jamiat@intnet.mu / jamiathalal@myt.mu</p>	
---	---	---